

195200

鳳凰廳志

鳳凰

鳳凰

鳳凰

鳳凰

鳳凰

鳳凰

鳳凰

鳳凰

鳳凰

鳳凰

鳳凰

鳳凰

鳳凰

鳳凰廳志卷之五

典禮志

典也者常也禮也者理也天地之大經帝王之大法
卽人心之常理虞書以五禮安民言禮而典有自秩
周官以六典經國言典而禮有自崇君長以之尊鬼
神以之祀民志以之定習俗以之移洋洋乎帝者之
上儀有由隆已我

朝重熙累洽百度修明三靈昭貺雖窮荒僻壤咸沐聲
教而一隅如廳典禮之率循固未之或易也作典禮

志

慶賀禮

凡元旦冬至

萬壽三大節暨

皇后千秋令節前一日地方官於公所安設香案

龍亭排列儀仗至日五鼓巡道會率文武各官朝服恭詣文

東武西序立丹墀下禮生四人稟三鼓行禮引至各

拜位通贊唱序班行三跪九叩首禮畢各退三大節

惟

萬壽聖節先後三日俱蟒服坐班餘俱本日坐班

開讀

詔書禮

凡奉

頒詔勅地方官俱朝服具

龍亭采輿儀仗鼓樂出郭外肅迎使者奉

詔書置

龍亭中南嚮立於亭東地方官北嚮行三跪九叩首禮衆官
及鼓樂前導使者隨亭後至公庭門外衆官先趨入

文武分東西序跪候

龍亭至公庭中使者立

龍亭之東西嚮禮生贊序班文東武西樂作行三跪九叩首
禮使者奉

詔書授展讀官展讀官跪受詣開讀案前宣講衆官皆跪宣
讀畢展讀官奉

詔書恭授使者奉置

龍亭中衆官行三叩首禮起又行二跪六叩首禮畢退卽行

膳黃轉頒

宣講

聖諭禮

每月朔望預擇寬潔公所設香案屆期文武官俱至
著蟒服禮生唱序班行三跪九叩首禮興退班齊至
講所軍民人等環列肅聽禮生唱恭讀開講司講生
訖香案前跪恭奉

聖諭登臺木鐸老人跪宣讀畢禮生唱請宣講

聖諭司講按次講畢各退

迎春禮

每歲立春日先期塑造土牛

芒神前一日各官常服迎至廳門外設香案土牛南嚮
芒神位東西向至日清晨陳設香燭酒果各官俱吉服
齊集次所行一跪三叩首禮奠酒三爵後三叩興昇
主牛

芒神行以香亭鼓樂前導各官隨後至東郊各官執采
仗環立土牛兩旁樂工播鼓各官鞭春環擊土牛者
三禮畢

迎

喜神禮

正月上吉日北關屯練備弁率練勇兵丁戎服整隊
伍齊集巡道衙門聽令升礮三聲排列兩翼守備稟
請旗纛具文武儀仗率弁兵出吉門迎神方向至較
場

神棚左右序立升礮三聲手把二員馳報

喜神至備弁以下俱跪迎樂作復詣

神位前上香三炷獻三爵行一跪三叩首禮升礮三聲
兵丁整隊演放排鎗三次執事者奉帛詣燎所各官

望燎畢守備詣大堂行安旗肅禮三上香三叩首禮

畢

壇祀禮

社稷壇

祭期 頒定歲以春秋仲月上戊日致祭

陳設

社稷神位前

帛各一色黑 爵三 鉶二 簋二 簋二 簋四

豆四 羊一 豕一 鉶二 鑪一 尊一 疏布

儀注

前期一日主祭官齋戒笈祝版監視陳設委官監宰
牲禮生引至省牲所省牲接毛血供香案行一跪三

叩首禮畢退祭日五鼓主祭官陪祭官各朝服詣壇

下立

通贊生

唱鼓初嚴

鼓再嚴

鼓三嚴

唱

詣盥洗

所濯水進巾

執事者各司其事

主祭官就位

陪祭官各就位

瘞毛血

迎神上香

三炷

復位

跪三跪九叩首

興

行初獻禮

詣醴尊所司

尊者舉冪酌醴執帛者奉帛執爵者奉爵詣

府社稷神位前跪 獻帛 獻爵 叩首 興 詣讀祝

位跪 陪祭官皆跪 讀祝文 三叩首 興 復

位 行亞獻禮 引贊如 行終獻禮 儀同 復位 飲福

受胙 詣飲福位 跪飲福醴 受福胙 三叩首

興 復位 謝胙跪 衆官皆跪 三跪九叩首

興 徹饌 送神跪 三跪九叩首興 讀祝者

奉祝執帛者奉帛各詣瘞所 望瘞 復位 禮畢

祝文

惟

神奠安九土粒食萬邦分五色以表封圻育三農而蕃
稼穡恭膺守土肅展明禋茲當仲春秋敬修祀事庶九
九松柏聳磐石於無疆翼翼黍苗佐神倉於不匱尚
饗

神祇壇

祭期與社稷同日祭

陳設

風雲雷雨神位前

帛四白爵各三 鉶各二 簋各二 籩豆各四

羊一 豕一 鐙二 鑪一 尊一

山川神位前

帛一 白爵六 餘同前

城隍神位前

帛一 白爵三 餘同前

儀注 與社稷同惟獻分中左右三位又改望瘞爲望燎執事者不以土實坎

祝文

惟

神贊襄天澤福佑蒼黎佐靈化以流行生成永賴乘氣

機而鼓盪和肅攸宜磅礴高深長保安貞之吉憑依
鞏固實資捍禦之功幸民俗之殷盈仰

神明之庇護恭修歲祀正值良辰敬潔豆籩祇陳牲幣

尙饗

先農壇

祭期

頒定歲以季春亥日致祭

陳設

與社稷壇同惟帛用青色

儀注

前期二日齋戒前一日省牲淨壇檢視耕耨至期各

官朝服行禮前後三跪九叩中間三獻飲福受胙與
社稷同祭畢遵依部行時辰易蟒袍行耕藉禮巡
道秉耒廳官奉青箱首領雜職播種行耕時旁用耆
老一人牽牛農夫二人把定犁向九推九返農夫終
畝耕畢各官就位望

闕行三跪九叩首各退

祝文

惟

神肇興稼穡粒我蒸民頌思文之德克配彼天念率育

之功陳常時夏茲當東作咸服先疇洪惟

九五之尊歲舉

三推之典恭膺守土敢勞民勞謹奉彝章聿修祀事惟願五

風十雨嘉祥恒沐於

神庥庶幾九穗雙歧上瑞頻書於大有尙饗

厲壇

祭期以須定歲以清明節七月望十月朔祭無祀鬼神

城隍神主其祀

陳設